



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-4343-4/21
Sarajevo, 18.02.2021. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka) Vlada Kantona Sarajevo, na **Devetoj** sjednici održanoj **18.02.2021.** godine, donijela je

ZAKLJUČAK

1. Utvrđuje se prijedlog Odluke o izmjeni i dopunama Odluke o usklađivanju statusa Kantonalnog javnog komunalnog preduzeća "VODOVOD I KANALIZACIJA" Sarajevo sa Zakonom o javnim preduzećima u Federaciji Bosne i Hercegovine.
2. Prijedlog Odluke iz tačke 1. ovog zaključka, dostavlja se Skupštini Kantona Sarajevo, u skladu sa Poslovníkom Skupštine Kantona, na nadležno odlučivanje.

PREMIJER

Edin Forto

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo komunalne privrede, infrastrukture, prostornog uređenja, građenja i zaštite okoliša,
6. KJKP "Vodovod i kanalizacija" d.o.o. Sarajevo (putem Ministarstva komunalne privrede, infrastrukture, prostornog uređenja, građenja i zaštite okoliša),
7. Evidencija,
8. **A r h i v a.**



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04, 6/13 i 31/17), člana 10. i 304. stav (2) Zakona o privrednim društvima ("Službene novine Federacije BiH", broj: 81/15), Skupština Kantona Sarajevo, na sjednici održanoj _____ 2021. godine, donijela je

ODLUKU
O IZMJENI I DOPUNAMA ODLUKE O USKLAĐIVANJU STATUSA
KANTONALNOG JAVNOG KOMUNALNOG PREDUZEĆA
„VODOVOD I KANALIZACIJA” SARAJEVO SA ZAKONOM O
JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Kantonalnog javnog komunalnog preduzeća „VODOVOD I KANALIZACIJA” Sarajevo sa Zakonom o javnim preduzećima u Federaciji Bosne i Hercegovine („Službene novine Kantona Sarajevo”, br: 30/05, 25/09, 22/11, 3/12, 1/13 i 45/19), u članu 18. iza alineje 5. dodaje se nova alineja i glasi:
- „- daje saglasnost na osnivanje podružnica, na prijedlog Uprave Preduzeća.”.

Član 2.

U članu 23. stav (2) iza riječi „statusa“ dodaje se zarez i riječi: „donosi odluku o osnivanju podružnice uz prethodnu saglasnost Nadzornog odbora.”.

Član 3.

Član 31. mijenja se i glasi:

„Član 31.

- (1) *Preduzeće će poslovati kao jedna cjelina, a može osnovati svoje podružnice van sjedišta.*
- (2) *Podružnice se osnivaju odlukom Uprave uz prethodnu saglasnost Nadzornog odbora, kojom se reguliše djelatnost i obim ovlaštenja u pravnom prometu.*
- (3) *Podružnice nemaju svojstvo pravnog lica, ali mogu obavljati poslove u okviru djelatnosti Preduzeća upisanih u registar društava i pri tome sticati prava i preuzimati obaveze u ime i za račun Preduzeća.*
- (4) *Podružnice se upisuju u registar društava nadležnog suda kod kojeg je upisano Preduzeće.*
- (5) *Unutrašnja organizacija Preduzeća utvrdit će se Statutom Preduzeća”.*

Član 4.

Preduzeće će uskladiti Statut sa odredbama ove odluke u roku od 30 dana od njenog stupanja na snagu.

Član 5.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj:
Sarajevo, _____ 2021. godine

**Predsjedavajući
Skupštine Kantona Sarajevo**

Elvedin Okerić

O B R A Z L O Ž E N J E

Pravni osnov za donošenje Odluke o izmjenama Odluke o usklađivanju statusa Kantonalnog javnog komunalnog preduzeća „Vodovod i kanalizacija” Sarajevo sa Zakonom o javnim preduzećima u Federaciji Bosne i Hercegovine sadržan je u članu 18. tačka b. Ustava Kantona Sarajevo („Službene novine Kantona Sarajevo“, br. 1/96, 2/96 – ispravka, 3/96-ispravka, 16/97, 14/00, 4/01, 28/04, 6/13 i 31/17), kojima je utvrđeno da je Skupština Kantona Sarajevo nadležna da donosi zakone i druge propise iz nadležnosti Kantona, izuzev propisa koji su Ustavom ili zakonom dati u nadležnost Vlade Kantona.

RAZLOZI ZA DONOŠENJE:

Odredbama člana 10. Zakona o privrednim društvima (“Službene novine F BiH”, broj: 81/15) predviđeno je da društvo, domaće ili strano, može izvan sjedišta osnovati jednu ili više podružnica u kojima obavlja svoje djelatnosti. Podružnica nastaje odlukom o osnivanju koju donosi ovlašteni organ društva u skladu s osnivačkim aktom ili statutom društva.

Članom 31. Odluke o usklađivanju statusa Kantonalnog javnog komunalnog preduzeća “Vodovod i kanalizacija” Sarajevo sa Zakonom o javnim preduzećima u Federaciji Bosne i Hercegovine („Službene novine Kantona Sarajevo”, br: 30/05, 25/09, 22/11, 3/12, 1/13 i 45/19) utvrđeno je da Preduzeće posluje kao jedinstveni pravni subjekt, a može imati i svoje podružnice koje će u pravnom prometu istupati u ime i za račun Preduzeća u granicama ovlaštenja koje dobije od Osnivača. Unutrašnja organizacija utvrdit će se Statutom Preduzeća.

U sklopu KJKP „Vodovod i kanalizacija“ d.o.o. Sarajevo posluje Laboratorija za ispitivanje, kalibraciju i verifikaciju vodomjera, koja se nalazi na adresi ul. Gliše Jankovića broj 8., Ilidža. Laboratorija sve aktivnosti vrši kao zaseban dio organizacije, a ista se pored ostalih aktivnosti bavi i održavanjem vodomjera.

Laboratorija obavlja djelatnosti iz okvira registrovane djelatnosti Preduzeća i to:

- **71.12 Inženjerske djelatnosti i sa njima povezano tehničko savjetovanje**
- **71.20 Tehničko ispitivanje i analiza.**

U svom radu primjenjuje referentni Standard **BAS EN ISO7IEC 17020:2013.**

Povodom Zapisa o utvrđenim neusklađenostima i Izvještaja o ocjenjivanju prema navedenom referentnom Standardu BAS EN ISO7IEC 17020:2013., na sastanku održanom sa predstavnicim BATA-a u sjedištu Instituta za akreditovanje Bosne i Hercegovine, istaknut je stav BATA-e da je, a uvažavajući sve strožije standarde i zahtjeve, jedini prihvatljiv način regulisanja statusa Laboratorije odnosno njenog definiranja kao dio pravnog entiteta, na način da se ista registruje kao podružnica KJKP „Vodovod i kanalizacija“ d.o.o. Sarajevo kao uvjet za otklanjanje neusklađenosti odnosno novo akreditovanje.

Laboratorija je putem uspostavljenog i implementiranog sistema kvaliteta za sve aktivnosti utvrdila moguće rizike po nepristrasnost na trajnoj osnovi, a koji mogu nastati tokom aktivnosti same Laboratorije tako i iz odnosa sa matičnom organizacijom (zajednički resursi, finansije, marketing, ugovori sl). Također, Uprava Preduzeća se pisanom izjavom obavezala da će omogućiti rad Laboratorije bez vršenja bilo kakavog uticaja po bilo kojem osnovu, kao i svi zaposlenici Laboratorije koji su se putem izjave o nepristrasnosti obavezali na nepristrasan rad i obavezu čuvanja povjerljivih informacija.

Na kraju, bitno je istaći da regulisanje statusa Laboratorije kao podružnice KJKP „Vodovod i kanalizacija“ d.o.o. Sarajevo, ne stvara dodatne finansijske zahtjeve niti kadrovske promjene, s obzirom da su drugi zahtjevi Standarda u pogledu osoblja, objekata, opreme i procesa ispunjeni.

Shodno naprijed navedenom, uzimajući u obzir poslovne interese KJKP „Vodovod i kanalizacija“ d.o.o. Sarajevo i objektivnu potrebu da Laboratorija koja već dugi niz godina egzistira

u sastavu Preduzeća i obavlja djelatnost iz okvira registrovane djelatnosti istog, u cilju ispunjenja zahtjeva referentnog Standarda BAS EN ISO7IEK 17020:2013 i nadležne institucije u svrhu produženja akreditacije Laboratorije i na osnovu odredbi člana 10. Zakona o privrednim društvima pripremljene su izmjene i dopune članova Odluke, i to:

- dopune člana 18. Odluke kojima je definirana nadležnost Nadzornog odbora, u smislu davanja saglasnosti na prijedlog Uprave Preduzeća za osnivanje podružnice. Prijedlog za ovakvo rješenje je praksa uspostavljena u JP iz nadležnosti Federacije BiH koja su organizovana kao d.o.o., pri čemu je važno napomenuti da konačnu odluku o izmjenama statuta donosi Skupština Preduzeća.
- izmjena odredbi člana 31. Odluke o usklađivanju statusa Kantonalnog javnog komunalnog preduzeća "Vodovod i kanalizacija" Sarajevo sa Zakonom o javnim preduzećima u Federaciji Bosne i Hercegovine sa ciljem preciziranja procedure i organa Preduzeća koji su ovlašteni da predlažu i donose odluku o osnivanju podružnice kako je to predviđeno Zakonom o privrednim društvima,
- dopuna člana 23. stav (2) Odluke kojom se daje ovlaštenje i utvrđuje obaveza Upravi Preduzeća da prilikom donošenja odluke o osnivanju podružnice prethodno pribavi saglasnost Nadzornog odbora.

Na osnovu svega navedenog, a u skladu sa odredbama Poslovnika Skupštine Kantona, navedeni Prijedlog odluke o izmjeni i dopunama Odluke o usklađivanju statusa Kantonalnog javnog komunalnog preduzeća "Vodovod i kanalizacija" Sarajevo sa Zakonom o javnim preduzećima u Federaciji Bosne i Hercegovine dostavlja se Skupštini Kantona Sarajevo, na razmatranje i odlučivanje po istom.



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
 PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE NEPARNIH VODA
 Por. br. 01841358, Mat. br. 20187640, Općinski sud u Sarajevu, rješenje broj: 065-0-Reg-20-004313
 Sjedište: ul. Jaroslava Čermića br. 8, tel. 237-655, 447-741, fax: 440-058, www.vik.ba
 Pogon Vodovod tel. 532-430, Pogon Kanalizacija tel. 668-260, PDV-JB: 20015195004, ID: 1200151950004

BOSNA I HERCEGOVINA
 FEDERACIJA BIH

KANTON SARAJEVO

Ministarstvo komunalne privrede, infrastrukture, prostornog
 uređenja, građenja i zaštite okoliša

Reisa Džemaludina Čauševića br. 1
 71 000 Sarajevo

Predmet: Zahtjev za postupanje, dostavlja se-

Poštovani,

U sklopu KJKP „VIK“ d.o.o. Sarajevo posluje i Laboratorija za ispitivanje, kalibraciju i verifikaciju vodomjera, a koja se nalazi u ulici Gliše Jankovića broj 8, Sarajevo.

Navedena Laboratorija sve svoje aktivnosti obavlja odgovorno u odnosu na bilo koje komercijalne, finansijske ili druge pritiske koji mogu uticati na njegov rad i koji ugrožavaju njegovu nepristrasnost. Preko uspostavljenog i implementiranog sistema kvaliteta za sve aktivnosti su utvrđeni mogući rizici po nepristrasnost na trajnoj osnovi, koji mogu prosteći kako iz samih aktivnosti laboratorije tako i iz odnosa sa matičnom organizacijom (zajednički resursi, financije, marketing, ugovori,...).

Uprava preduzeća se pisanom izjavom obavezala da će omogućiti rad laboratorije bez vršenja bilo kakvih pritisaka, po bilo kom osnovu.

Također, svi uposlenici u istoj su se izjavom o nepristrasnosti uposlenika obavezali na nepristrasan rad, kao i obavezu čuvanja povjerljivih informacija.

Na nivou preduzeća i laboratorije uspostavljen je Etički kodeks kojim su utvrđena pravila ponašanja, koja su obavezujuća za sve zaposlenike. Etički kodeks i politika kvaliteta je dostupan na intranet stranici preduzeća.

Napominjemo da Laboratorija sve aktivnosti vrši kao zaseban dio organizacije koja se između ostalih aktivnosti bavi i održavanjem vodomjera. Unutrašnjom organizacijom osigurano je striktno razdvajanje aktivnosti laboratorije od svih ostalih aktivnosti Preduzeća, i to prvenstveno kroz implementirane sistem kvaliteta, opredjeljenost rukovodstva i uprave preduzeća za neovisan rad laboratorije od svih drugih aktivnosti preduzeća kao i procjenom mogućih rizika i aktivnostima koje su definisane za eliminisanje istih.

Na ovaj način omogućeno je akreditovanje navedene laboratorije s tim da je buduća akreditacija, s obzirom na sve strožije standarde i veće zahtjeve, dovedena u pitanje iz razloga što laboratorija nije upisana kao poslovna jedinica/podružnica u sudskom registru, a što je neophodno kako bi ista zadržala akreditaciju u skladu sa zahtjevom standarda BAS EN ISO/IEC 17020:2013.

Imajući u vidu navedeno potrebno je da osnivač preduzeća donese Odluku o osnivanju podružnice Kantonalnog javnog komunalnog preduzeća „Vodovod i kanalizacija“ d.o.o. Sarajevo.

Sarajevo, 04.02.2021. god.

Broj: 733/21

04-02-2021

Broj	Ime	Klasifikacija	God. priloga
057	09	13213	

Naziv podružnice:

Kantonalno javno komunalno preduzeće „Vodovod i kanalizacija“ d.o.o. Sarajevo, Podružnica - Laboratorija za ispitivanje i kalibraciju i verifikaciju vodomjera, Gliše Jankovića broj 8, Sarajevo.

Sjedište:

Gliše Jankovića broj 8, Sarajevo

Djelatnosti podružnice:

- 71.12 Inženjerske djelatnosti i s njima povezano tehničko savjetovanje
- 71.20 Tehničko ispitivanje i analiza

Lice ovlašteno za zastupanje i predstavljanje podružnice:

Rukovodilac podružnice

S poštovanjem,

Dostavljeno:

1. Naslovu
2. a/a



Aida Penđek, dipl.ing.grad.



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
PREDUZEĆE ZA PROIZVODNJE I DISTRIBUCIJE VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20197046, Općinski sud u Sarajevu, rješenje broj: 065-0-Reg-19-005377
Sjedište: ul. Jaroslava Čermija br. 8, tel: 237-655, 447-741, fax: 440-658, www.vksa.ba
Pogon Vodovod tel: 532-430, Pogon Kanalizacija tel: 608-260 PDV-IB: 200151950064 ID: 4200151950064

Bosna i Hercegovina
Federacija Bosne i Hercegovine
KANTON SARAJEVO
VLADA KANTONA SARAJEVO
ul. Reisa Džemaludina Čauševića 1
Sarajevo

Sarajevo, 29.5.2020. god.

Broj: 3783 /20

Predmet: Inicijativa o dopuni Osnivačkog akta, - *dostavlja se*

29-05-2020

Poštovani,

Upućujemo inicijativu za donošenje odluke o dopuni Odluke o usklađivanju statusa Kantonalnog javnog komunalnog preduzeća „Vodovod i kanalizacija“ Sarajevo sa Zakonom o javnim preduzećima Bosne i Hercegovine („Službene novine Kantona Sarajevo, br. 30/05, 25/09, 22/11, 3/12 i 1/13 i 45/19) registraciju podružnice.

Naime, dana 18.5.2020. godine, na inicijativu KJKP „Vodovod i kanalizacija“ d.o.o. Sarajevo, održan je sastanak sa predstavnicima BATA-e, u sjedištu Instituta za akreditovanje Bosne i Hercegovine. Na sastanku se razgovaralo o načinu otklanjanja utvrđenih neusklađenosti u KJKP „Vodovod i kanalizacija“ d.o.o. Sarajevo - **Laboratorija za ispitivanje, kalibraciju i verifikaciju vodomjera, Odjel za verifikaciju, na adresi Gliše Jankovića 8, Sarajevu**, budući da od toga ovisi produženje akreditacije.

Zapisom o utvrđenim neusklađenostima i Izvještajem o ocjenjivanju prema referentnom standardu BAS EN ISO7IEC 17020:2013; zahtjev standarda 5.1.1, za naprijed pomenutu laboratoriju je utvrđeno da „*inspeksijsko tijelo nije moglo pokazati da ima pravnu odgovornost za svoje inspeksijske poslove (tj. u aktuelnom izvodu iz sudskog registra nije navedena „Laboratorija za ispitivanje, kalibraciju i verifikaciju vodomjera, Odjel za verifikaciju, sa sjedištem u ulici Gliše Jankovića br. 8).*

Na pomenutom sastanku, bez obzira na obostranu volju i interes obje strane da se nepravilnosti što prije otklone, činjenica složenosti u organizacijskoj strukturi Javnog preduzeća „Vodovod i kanalizacija“ d.o.o. Sarajevo, sa akcentom na odredbe Osnivačkog akta, kao i odredbe Statuta, kao najvišeg pravnog akta preduzeća kojim nisu predviđene podružnice, istaknuta je kao jedina prepreka za otklanjanje utvrđene neusklađenosti, odnosno ispunjavanja zahtjeva standarda u pogledu

Banka Uni/Credit Bank dd: 3389002268274753.

Ratiffersen Bank dd: 1610000053830067.

Vakufska Banka dd: 1601040000035670. Intesa Sanpaolo Banka dd: 1549212000439057.

Sparkasse Bank dd BiH: 199 499 00001979 93. Bosna Bank International dd: 1413065320199704

Sberbank BH dd: 1401011110005862. Ziraat Bank: 1861010510521757



Područje certifikacije:
Proizvodnja i distribucija vode,
odvođenje otpadnih voda i čišćenje
Sarajeva i u općinama
Vogošća i Ilidža

administracije. U vezi s tim, predstavnici preduzeća predlagali su da se ova neusklađenost otkloni na drugi, za preduzeće prihvatljiviji, način npr. posebnim aktom Uprave ili Nadzornog odbora, međutim, stav BATA-e je da taj način nije prihvatljiv jer se time neće u potpunosti definirati dio pravnog entiteta, a kako to zahtjeva naprijed navedeni standard.

Slijedom naprijed navedenog, obraćamo Vam se inicijativom za donošenje odluke o dopuni Osnivačkog akta u svrhu osnivanja podružnice sa traženim podacima, između ostalog: djelatnost podružnice subjekta upisa te ime i prezime lica ovlaštenog za zastupanje podružnice subjekta upisa, u svrhu definiranja laboratorije kao inspeksijskog tijela i prepoznatljivog dijela pravnog entiteta u skladu sa zahtjevom standard **BAS EN ISO7IEC 17020:2013**.

Također napominjemo da osim administrativno-pravnih obaveza u pogledu rješavanja naprijed navedenog pitanja, isto ne zahtjeva dodatne finansijske izdatke niti kadrovske promjene, budući da su svi ostali zahtjevi pomenutog standarda ispunjeni, kao npr. zahtjevi u pogledu resursa (osoblje, objekti i oprema), zahtjevi u pogledu procesa i slično. Potrebno je samo da se laboratorija istakne kao pravni entitet ili definirani dio pravnog entiteta, tako da može imati pravnu odgovornost za sve svoje inspeksijske aktivnosti. Ponavljamo da produženje akreditacije ovisi od otklanjanja ove neusklađenosti administrativne prirode, a Laboratorija za ispitivanje, kalibraciju i verifikaciju vodomjera, Odjel za verifikaciju, na adresi Gliše Jankovića 8, Sarajevu, je veoma značaj segment u poslovanju i radu preduzeća. Zbog složenosti problema i nemogućnosti otklanjanja ove neusklađenosti bez saglasnosti Osnivača, uputili smo molbu BATA Institutu za produženje akreditacije uz utvrđivanje novog roka za poduzimanje neophodnih aktivnosti u svrhu ispunjavanja zahtjeva referentnog standarda. Budući da je pitanje akreditovane laboratorije od velikog značaja za preduzeće, molimo da ovaj zahtjev uzmete u prioritetno razmatranje.

Prijedlog Dopune Osnivačkog akta:

- a) Firma i sjedište podružnice subjekta upisa:
Laboratorija za ispitivanje i kalibraciju vodomjera – inspeksijsko tijelo, sa sjedištem u Sarajevu, ulica Gliše Jankovića broj 8
- b) Djelatnost podružnice subjekta upisa:
71.12 inžinjerske djelatnosti i s njima povezano tehničko savjetovanje
71.20 tehničko ispitivanje i analiza
- c) Ime i prezime lica ovlaštenog za zastupanje podružnice subjekta upisa:
Šejto Dženan (dipl.ing.maš, Rukovodilac Službe za vodomjere i definfekciju vode)

S poštovanjem,

Direktor

Enver Hadžiahmetović, dipl.ing.maš.

Dostavljeno:

- Naslovu,
- a/a

Pregled Dokumentata| Broj 30/05

Početna (/) / Dokumenti (/Docs/) / Službene novine Kantona Sarajevo (/Docs/Drzavni) / Dokumenti pregled

Službene novine Kantona Sarajevo, broj 30/05

ODLUKU

O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

I - OSNOVNE ODREDBE

Član 1.

Ovom odlukom osnivač Kanton Sarajevo, ulica Reisa Džemaludina Čauševića broj 1. Sarajevo, (u daljnjem tekstu: Osnivač) usklađuje oblik, firmu i način upravljanja u skladu sa Zakonom o javnim preduzećima u Federaciji Bosne i Hercegovine (u daljnjem tekstu: Zakon), utvrđuje visinu osnovnog kapitala i vrši usklađivanje djelatnosti Preduzeća u unutrašnjem prometu u skladu sa Odlukom o standardnoj klasifikaciji djelatnosti u Federaciji BiH i vrši upis prava obavljanja vanjskotrgovinskog poslovanja u skladu sa Zakonom.

Član 2.

Preduzeće, u skladu sa Zakonom, mijenja oblik i djelovat će kao Preduzeće sa ograničenom odgovornošću (u daljnjem tekstu: Preduzeće).

Član 3.

Preduzeće je pravni sljednik KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" SARAJEVO, registrovanog Rješenjem Kantonalnog suda u Sarajevu broj UF/I-765/02 od 6. 6. 2002. godine i ima svojstvo pravnog lica sa pravnom i poslovnom sposobnošću.

Član 4.

Preduzeće obavlja djelatnost imovinom koja mu je data na upravljanje, a koja je u cjelokupnom vlasništvu osnivača.

II - FIRMA I SJEDIŠTE PREDUZEĆA

Član 5.

Preduzeće će poslovati pod firmom: Kantonalno javno komunalno preduzeće "VODOVOD I KANALIZACIJA" d.o.o. Sarajevo.

Skraćeni naziv: KJKP "VIK" d.o.o. Sarajevo.

Član 6.

Sjedište Preduzeća je u Sarajevu, ulica Jaroslava Černija broj 8.

Član 7.

Preduzeće ima pečat okruglog oblika u kome je ispisan puni naziv firme i štambilj četvrtastog oblika, koji sadrži puni naziv firme, a služi za ovjeru prijema podnesaka (akata).

Vrsta pečata i štambilja, način upotrebe i čuvanje utvrđuje se općim aktom koji donosi Uprava Preduzeća.

III - DJELATNOST PREDUZEĆA**Član 8.**

Preduzeće obavlja djelatnost i to:

41.0041.000 skupljanje, prečišćavanje i distribucija vode

45.1145.110 rušenje građevinskih objekata i zemljani radovi

45.212 niskogradnja

45.213 održavanje objekata visokogradnje, niskogradnje i njihovih dijelova

45.2345.230 izgradnja autocesta i drugih prometnica, uzletišta u zračnim lukama i sportskih terena

45.241 izgradnja hidrograđevinskih objekata

45.242 održavanje hidrograđevinskih objekata

45.3145.310 elektroinstalacijski radovi

45.3345.330 postavljanje instalacija za vodu, plin, grijanje, ventilaciju i hlađenje

45.3445.340 ostali instalacijski radovi

50.2050.200 održavanje i opravak motornih vozila.,

74.2074.200 arhitektonske i inženjerske djelatnosti i tehničko savjetovanje

74.3074.300 tehničko ispitivanje i analiza

90.0090.000 uklanjanje otpadnih voda, odvoz smeća i slične djelatnosti

Član 9.

Djelatnost Preduzeća u vanjskotrgovinskom poslovanju glasi:

- Vanjskotrgovinski promet iz okvira registrovane djelatnosti.

Član 10.

Preduzeće može obavljati poslove samo u okviru djelatnosti upisane u sudski registar.

Preduzeće može obavljati i druge poslove koji se uobičajeno obavljaju uz djelatnosti upisane u sudski registar, u obimu i na način koji su potrebni za poslovanje, a ne predstavljaju obavljanje tih poslova kao redovne djelatnosti.

IV - SREDSTVA ZA RAD

Član 11.

Osnovni kapital Preduzeća čini novac, iskazan u novčanom iznosu od 10.000,00 KM, odnosno 100% udjela.

Osnovni iznos kapitala se ne može smanjivati ispod iznosa utvrđenog zakonom.

Osnivač može u toku poslovne godine povećati vrijednost osnovnog kapitala Preduzeća novim ulaganjem.

Član 12.

Povećanje i smanjenje osnovnog kapitala vrši se na osnovu odluke osnivača.

Član 13.

Preduzeće može formirati fond rezervi za potrebe zaposlenih, a način i postupak njihovog formiranja kao i izdvajanje i korištenje sredstava utvrđuje se statutom Preduzeća.

V - PRAVA, OBAVEZE I ODGOVORNOSTI U PRAVNOM PROMETU

Član 14.

Sredstva Preduzeća su u pravnom prometu.

Preduzeće u pravnom prometu zaključuje ugovore i vrši druge pravne poslove i radnje u okviru svoje pravne sposobnosti.

Član 15.

Preduzeće odgovara za svoje obaveze cjelokupnom imovinom osnivača, koja mu je data na korištenje, osim prirodnih bogatstava i dobara u općoj upotrebi.

Preduzeće odgovara i za obaveze drugih društava preuzete ugovorom.

VI - ORGANI PREDUZEĆA

Član 16.

Organi Preduzeća su:

1. Skupština,
2. Nadzorni odbor,
3. Uprava, kao organi upravljanja i
4. Odbor za reviziju.

Član 17.

1. Skupština odlučuje o:

- donošenju Statuta Preduzeća i njegovim izmjenama i dopunama,
- raspodjeli godišnje dobiti i pokriću gubitka,
- povećanju i smanjenju osnovnog kapitala,
- osnivanju novih preduzeća,
- planu poslovanja, investiranju i trajnoj poslovnoj saradnji, odnosno povezivanju sa drugim preduzećima,
- etičkom kodeksu i Poslovniku Skupštine,
- imenovanju i razrješenju Nadzornog odbora i Odbora za reviziju,
- usvajanju godišnjeg izvještaja Preduzeća koji uključuje finansijski izvještaj i izvještaj revizora, Nadzornog odbora i Odbora za reviziju,
- promjeni oblika i podjeli Preduzeća,
- naknadama članovima Nadzornog odbora i Odbora za reviziju,
- ostalim pitanjima u skladu sa Zakonom o privrednim društvima i Zakonom o javnim preduzećima i Statutom Preduzeća.

Član 18.

2. Nadzorni odbor je nadležan da:

- nadzire rad Uprave i poslovanje Preduzeća,

- priprema i predlaže Etički kodeks, poslovnik i druge akte koje usvaja Skupština preduzeća,
- imenuje i razrješava članove Uprave u skladu sa Zakonom o ministarskim, vladinim i drugim imenovanjima F BiH,
- predlaže kandidate za Odbor za reviziju u skladu sa Zakonom,
- razmatra i nadzire postupak javnih nabavki,
- predlaže raspodjelu profita, daje upute direktoru za provođenje mjera i aktivnosti prilikom uočenih propusta,
- odlučuje o ostalim pitanjima u skladu sa Zakonom o privrednim društvima, Zakonom o javnim preduzećima i Statutom Preduzeća.

Član 19.

Vršenje pojedinih poslova iz prethodnog člana Nadzorni odbor može povjeriti jednom od svojih članova, a predsjednik Nadzornog odbora je solidarno odgovoran sa članom Nadzornog odbora kojem je povjereno ovlaštenje.

Član 20.

Nadzorni odbor ima predsjednika i najmanje dva člana.

Prilikom imenovanja članova Nadzornog odbora, primjenjuju se odredbe Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03 i 34/03) i odredbe Zakona o sukobu interesa u institucijama vlasti Bosne i Hercegovine ("Službeni glasnik BiH", broj 13/02, 16/02, 14/03 i 12/04).

Predsjednik i članovi Nadzornog odbora imenuju se istovremeno na period od četiri godine.

Za predsjednika i člana Nadzornog odbora ne može biti imenovano lice kod kojeg postoje zapreke iz odredaba člana 260. Zakona o privrednim društvima.

Član 21.

Sjednica Nadzornog odbora održava se najmanje jednom u tri mjeseca.

Sjednicu Nadzornog odbora saziva predsjednik Nadzornog odbora.

Član 22.

Rad Nadzornog odbora će biti regulisan Poslovníkom o radu Nadzornog odbora.

Član 23.

3. Uprava

Uprava vodi poslovanje i zastupa Preduzeće.

Uprava je nadležna za izvještavanje Nadzornog odbora i provedbu Etičkog kodeksa, izradu i realizaciju planova poslovanja i postupka nabavke, te predlaganje raspodjele profita, prijem zaposlenika i regulisanje njihovog radno pravnog statusa.

Funkciju uprave vrši direktor i izvršni direktori Preduzeća.

Statutom Preduzeća će se bliže urediti sastav Uprave.

Upravu bira Nadzorni odbor većinom glasova na osnovu javnog konkursa iz reda kandidata, koji najbolje odgovaraju za obavljanje poslova, a ne mogu imati funkciju u političkim strankama.

Direktor može vršenje neposrednog nadzora iz nadležnosti Uprave povjeriti izvršnom direktoru, ali i dalje ostaje solidarno odgovoran sa izvršnim direktorom za izvršavanje propisanog posla.

Član 24.

Direktor predsjedava Upravom, rukovodi poslovanjem, zastupa i predstavlja preduzeće i odgovara za zakonitost poslovanja.

Član 25.

Direktor Preduzeća je ovlašten da u ime Preduzeća zaključuje ugovore i vrši druge pravne poslove i radnje, kao i da Preduzeće zastupa pred sudom i drugim organima.

Direktor Preduzeća podnosi prijavu za upis u sudski registar i preduzima sve druge radnje vezane za registraciju Preduzeća.

Član 26.

Direktor Preduzeća može putem prokure prenijeti ovlaštenje na druga lica u Preduzeću ili van njega u skladu sa Zakonom o privrednim društvima.

Član 27.

Direktor Preduzeća organizuje i rukovodi procesom rada i vodi poslovanje Preduzeća, samostalno donosi odluke, zastupa Preduzeće u odnosima sa trećim licima i odgovoran je za zakonitost rada Preduzeća osnivaču.

Član 28.

Izvršni direktori organizuju rad, zastupaju i predstavljaju Preduzeće i odgovaraju za zakonitost poslovanja u obimu koje im odredi direktor, a što se utvrđuje posebnim rješenjem koje donosi direktor Preduzeća.

Član 29.

Direktor Preduzeća Jakub Dreković, dipl.ecc, nastanjen u Sarajevu u ul. Dr. Fetaha Bećirbegovića broj 25/1 zastupa i predstavlja Preduzeće u unutrašnjem i vanjskotrgovinskom prometu, bez ograničenja, do raspisivanja konkursa i imenovanja.

Član 30.

4. Odbor za reviziju

Odbor za reviziju dužan je da:

- imenuje vanjskog revizora i direktora odjela za internu reviziju u skladu sa Zakonom,
- razmotri godišnju studiju rizika i plan revizije, te preduzme mjere i aktivnosti na korekciji utvrđenih propusta,
- osigura uslove Odjelu za internu reviziju da izvrši svoj posao u skladu sa planom revizije i izvršava svoje obaveze u skladu sa važećim standardima,
- preduzima mjere da interna kontrola u Preduzeću bude adekvatna i efikasna,
- podnosi mjesečne izvještaje Nadzornom odboru Preduzeća o radu i preduzetim mjerama.

Odbor za reviziju je dužan svoje nadležnosti vršiti u skladu sa odredbama Zakona o javnim preduzećima i Zakonom o privrednim društvima.

VII - UNUTRAŠNJA ORGANIZACIJA PREDUZEĆA

Član 31.

Preduzeće posluje kao jedinstveni pravni subjekt, a može imati i svoje podružnice koje će u pravnom prometu istupati u ime i za račun Preduzeća u granicama ovlaštenja koje dobije od Osnivača.

Unutrašnja organizacija Preduzeća utvrdit će se Statutom Preduzeća.

VIII - USLOVI ZA OBAVLJANJE VANJSKOTRGOVINSKE DJELATNOSTI

Član 32.

Preduzeće vanjskotrgovinsku djelatnost obavlja u skladu sa važećim odredbama zakona, pridržavajući se dobrih poslovnih običaja i poslovnog morala sa pažnjom dobrog privrednika.

Preduzeće je posebno dužno da u spoljnotrgovinskom poslovanju vodi računa o zaštiti ugleda i interesa Bosne i Hercegovine.

IX - PRAVA I OBAVEZE OSNIVAČA I ZAPOSLENIH RADNIKA

Član 33.

Preduzećem upravlja Skupština.

Prava i obaveze Skupštine Preduzeća vrši Osnivač.

U ime Osnivača prava i obaveze Skupštine Preduzeća vrši Vlada Kantona Sarajevo.

Zaposlenici ostvaruju prava u skladu sa važećim zakonskim propisima, kolektivnim ugovorima i aktima Preduzeća.

Ugovorom o radu uredit će se prava, obaveze i odgovornosti zaposlenika Preduzeća u skladu sa važećim zakonima, kolektivnim ugovorom i aktima Preduzeća.

X - PLANIRANJE POSLOVANJA I RAZVOJA I POSLOVNE KNJIGE PREDUZEĆA

Član 34.

Preduzeće planira svoje poslovanje i razvoj i odlučuje o vršenju, vrsti i sadržini planova poslovanja i razvoja Preduzeća.

Preduzeće planiranje poslovanja i razvoja prilagođava ciljevima radi kojih je osnovano i uslovima djelovanja zakonitosti tržišta.

Član 35.

Preduzeće donosi trogodišnje planove poslovanja.

Preduzeće će usaglašavati trogodišnji plan poslovanja sa kretanjima uslova poslovanja, odnosno vršiti revidiranje trogodišnjeg plana na godišnjem nivou.

Član 36.

O radu i poslovanju Preduzeća vode se poslovne knjige u skladu sa Zakonom. Preduzeće je dužno za svaku poslovnu godinu, u skladu sa važećim zakonskim propisima, sastaviti periodični obračun i završni račun.

XI - UTVRĐIVANJE I RASPOREĐIVANJE DOBITI

Član 37.

Utvrđivanje prihoda, rashoda i rezultata poslovanja vrši se polugodišnjim i godišnjim obračunom u skladu sa zakonom.

Član 38.

Dobit koja ostaje Preduzeću predstavlja neto (čistu) dobit. Neto dobit je finansijski rezultat poslovanja Preduzeća u toku poslovne godine, koja se dobije poslije odbitka svih troškova poslovanja i svih davanja po osnovu doprinosa, poreza i drugih finansijskih tereta.

Član 39.

Osnivač na kraju poslovne godine odlučuje o raspodjeli dobiti u skladu sa zakonom.

Član 40.

Ako Preduzeće u poslovanju po završnom računu iskaže gubitak, taj gubitak će se prvenstveno pokriti iz sredstava Preduzeća, koja se u skladu sa propisima mogu koristiti za pokrivanje gubitka. Ukoliko se gubitak ne može pokriti iz sredstava Preduzeća pokreće se postupak u skladu sa zakonom.

XII - OPĆI AKTI PREDUZEĆA

Član 41.

Opći akti Preduzeća su Statut i drugi akti kojima se na opći način regulišu odnosi u Preduzeću.

Preduzeće je obavezno da, u roku od 60 dana od donošenja ove odluke, donese Statut Preduzeća.

XIII - TRAJANJE I PRESTANAK PREDUZEĆA

Član 42.

Preduzeće je osnovano na neodređeno vrijeme i traje dok postoje ekonomski i zakonski uslovi za njegovo postojanje.

Preduzeće prestaje:

- odlukom Osnivača, i
- u slučajevima predviđenim zakonom.

XIV - NAČIN IZMIRENJA TROŠKOVA USKLAĐIVANJA PREDUZEĆA I POSLJEDICE NEUSPJELOG USKLAĐIVANJA

Član 43.

Sve troškove usklađivanja statusa Preduzeća sa Zakonom snosi Preduzeće.

XV - PRELAZNE I ZAVRŠNE ODREDBE

Član 44.

Na pitanja koja nisu regulisana odredbama ove odluke shodno se primjenjuju odredbe Zakona o javnim preduzećima u Federaciji Bosne i Hercegovine i Zakona o privrednim društvima.

Stupanjem na snagu ove odluke prestaje primjena Odluke o organizovanju JKP "Vodovod i Kanalizacija" Sarajevo ("Službene novine Grada Sarajeva", broj 9/93) i Odluke o preuzimanju prava osnivača Javnog komunalnog preduzeća "Vodovod i Kanalizacija" Sarajevo ("Službene novine Kantona Sarajeva", broj 11/97).

Član 45.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-05-27988-2/05
7. oktobra 2005. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Hvala što ste naš pretplatnik. Koristite pogodnosti koje dobijate pretplatom.

O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014

Adresa

Džemala Bijedića 39/III
71000 Sarajevo
Bosna i Hercegovina
Email: sllist@sllist.ba (<mailto:sllist@sllist.ba>)

Kontakti

Centrala

Tel: 033/722-030

Email (<mailto:info@sllist.ba>)

Uredništvo

Tel: 033/722-038

Email (<mailto:urednistvo@sllist.ba>)

Pravna služba

Tel: 033/722-051

Email (<mailto:info@sllist.ba>)

Računovodstvo

Tel: 033/722-045, Fax: 033/722-046

Email (<mailto:racunovodstvo@sllist.ba>)

Pretplata

Tel: 033/722-054

Email (<mailto:pretplata@sllist.ba>)

Ekspedit

Tel: 033/722-041

Email (<mailto:info@sllist.ba>)

Pregled Dokumentata| Broj 25/09

Početna (/) / Dokumenti (/Docs/) / Službene novine Kantona Sarajevo (/Docs/Drzavni) / Dokumenti pregled

Službene novine Kantona Sarajevo, broj 25/09

ODLUKU**O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" D.O.O. SARAJEVO****I.**

Ovom Odlukom potvrđuje se imenovanje vršilaca dužnosti predsjednika i dva člana Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo (u daljnjem tekstu: Skupština Preduzeća), i to:

1. ENVER JAMAK, vršilac dužnosti predsjednika Skupštine,
2. VIŠNJA SOFTIĆ, vršilac dužnosti člana Skupštine,
3. ZAHID PITA, vršilac dužnosti člana Skupštine

II.

Vršioци dužnosti iz tačke I. ove Odluke imenuju se na period do donošenja odluke o konačnom imenovanju.

III.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-23452/09
3. septembra 2009. godine
Sarajevo

Predsjedavajući
Skupštine Kantona Sarajevo
Dr. **Denis Zvizdić**, s. r.

Pregled Dokumentata| Broj 22/11

Početna (/) / Dokumenti (/Docs/) / Službene novine Kantona Sarajevo (/Docs/Drzavni) / Dokumenti pregled

Službene novine Kantona Sarajevo, broj 22/11

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), Skupština Kantona Sarajevo, na sjednici održanoj 5. septembra 2011. godine, donijela je

ODLUKU

O IZMJENI ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Kantonalnog javnog komunalnog preduzeća "Vodovod i kanalizacija" Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 30/05 i 25/09), u članu 33. stav (2), riječi: "dva člana", zamjenjuju se riječima: "četiri člana".

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-19040-1/11
5. septembra 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Hvala što ste naš pretplatnik. Koristite pogodnosti koje dobijate pretplatom.

Pregled Dokumentata| Broj 1/13

Početna (/) / Dokumenti (/Docs/) / Službene novine Kantona Sarajevo (/Docs/Drzavni) / Dokumenti pregled

Službene novine Kantona Sarajevo, broj 1/13

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07, 84/08 i 63/10) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), Skupština Kantona Sarajevo, na 22. sjednici održanoj 27.12.2012. godine, donijela je

ODLUKU

O IZMJENI ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Kantonalnog javnog komunalnog preduzeća "Vodovod i kanalizacija" Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 30/05, 25/09, 22/11 i 3/12), u članu 33 stav (2), riječi: "četiri člana", zamjenjuju se riječima: "dva člana".

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-31443/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Hvala što ste naš pretplatnik. Koristite pogodnosti koje dobijate pretplatom.

Pregled Dokumentata| Broj 45/19

Početna (/) / Dokumenti (/Docs/) / Službene novine Kantona Sarajevo (/Docs/Drzavni) / Dokumenti pregled

Službene novine Kantona Sarajevo, broj 45/19

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04, 6/13 i 31/17), člana 2. i 304. stav (2) Zakona o privrednim društvima ("Službene novine Federacije BiH", broj 81/15) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08, 22/09 i 109/12) i Odluke o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo ("Službene novine Kantona Sarajevo", broj 31/19), Skupština Kantona Sarajevo, na sjednici održanoj dana 30.10.2019. godine, donijela je

ODLUKU

O IZMJENAMA ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Kantonalnog javnog komunalnog preduzeća "VODOVOD I KANALIZACIJA" Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 30/05, 25/09, 22/11, 3/12 i 1/13), član 20. stav (4) mijenja se i glasi:

- riječi: "iz odredaba člana 260. Zakona o privrednim društvima" mijenjaju se i glase: "iz odredaba člana 248. Zakona o privrednim društvima"

Član 2.

Član 33. mijenja se i glasi:

"Član 33.

(1) U ime Osnivača ovlaštenja Skupštine u Preduzeću vrši Vlada Kantona Sarajevo (u daljem tekstu Vlada Kantona) putem punomoćnika, u skladu sa odlukom Skupštine Kantona Sarajevo.

(2) Vlada Kantona će, na prijedlog resornog ministra, ovlastiti punomoćnika/e koji će u ime i za račun Vlade Kantona vršiti ovlaštenja Skupštine Preduzeća, te utvrditi način izbora punomoćnika.

(3) Uslove za izbor punomoćnika, obim ovlaštenja odnosno prava i obaveze punomoćnika u procesu rada i donošenju odluka utvrđuje Skupština Kantona Sarajevo posebnom odlukom.

(4) Punomoć se izdaje u pisanom obliku sa uputama o načinu vršenja ovlaštenja u procesu rada i donošenju odluka Skupštine i koja mora sadržavati sve bitne elemente koje definiše Vlada Kantona posebnom odlukom u skladu sa

zakonom.

(5) U slučaju da više punomoćnika vrši ovlaštenja Skupštine Preduzeća, na prvoj sjednici Skupština bira jednog od punomoćnika za predsjednika Skupštine Preduzeća.

(6) Punomoćnik/ici imaju pravo na naknadu za svoj rad, koja se utvrđuje u skladu sa zakonom.

(7) Rad Skupštine Preduzeća reguliše se Statutom i/ili Poslovníkom o radu Skupštine."

Član 3.

Preduzeće će uskladiti Statut sa odredbama ove odluke i drugim aktima Skupštine Kantona Sarajevo i Vlade Kantona Sarajevo u roku od 30 dana od stupanja na snagu ove odluke.

Član 4.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-39082/19
30. oktobra 2019. godine
Sarajevo

Predsjedavajući
Skupštine Kantona Sarajevo
Elmedin Konaković, s. r.

Hvala što ste naš pretplatnik. Koristite pogodnosti koje dobijate pretplatom.

O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014

Adresa

Džemala Bijedića 39/III
71000 Sarajevo
Bosna i Hercegovina
Email: sllist@sllist.ba (mailto:sllist@sllist.ba)